

Reguleringsplan for Modalen – Dalåi massetak/deponi

Reguleringsføresegner

Detaljregulering

PlanID 20130002

1. Siktemålet med planen

Siktemålet med planen er å legge til rette for vidare masseuttak og deponering av reine masser på del av gnr 120 bnr 3 ved Dalåi i Tokke kommune.

2. Fellesføresegner for heile planområdet

- 2.1. Etter at reguleringsføresegnene er gjort gjeldande, er det ikkje tillate med privat avtaler å etablere forhold som er i strid med føresegnene.
- 2.2. Etter avslutta drift går området attende til landbruks, natur og friluftslivsformål LNF.
- 2.3. Uttaket avsluttast med ein skråningsvinkel som naturleg vidare fører terrenget på utsida av planområdet.
- 2.4. Om det viser seg først medan arbeidet er i gang at det kan verka inn på automatisk freda kulturminne, skal Vestfold og Telemark fylkeskommune kontaktast og arbeidet stansast i den utstrekkinga det kan røra ved kulturminnet. Kulturminnestyresmakten avgjer snarast mogleg – og seinast innan 3 veker – om arbeidet kan halda fram og vilkåra for det. Fristen kan forlengast når særlege grunnar tilseier det (jmf. Kulturminnelova §8 andre ledd).
- 2.5. I samband med utarbeiding av driftsplan skal det utgreiast tiltak og prosjekterast sedimentasjonsdam som hindrar forureining/ avrenning frå anlegget. Sedimentasjonsbassenget må planleggast og driftast slik at utsleppa ikkje overskrid 25 mg/l suspendert stoff og hindrar nedslamming. Planen for sedimentasjonsdam skal leggjast ved framlegget til driftsplan. Reinsetiltak (t.d. sedimentasjonsbasseng) må dokumenterast gjennom ein detaljert plan for reinsing og fordrøying av overflatevatn, som viser reinseprinsipp, dimensjonering, arealbehov og reinseffekt. I tillegg må tiltak mot akutt forureining bli nærare greidd ut. Arbeidet må gjerast av sakkunnig.

3. Føresegner for arealformål

3.1 Bygningar og anlegg (§ 12-5 nr. 1)

Fellesføresegner for bygningar og anlegg

- *Funksjons- og kvalitetskrav (§ 12-7 nr. 4, 7):*
 - 3.1.1. Det kan takast ut lausmasser i området, fast masse kan takast ut innafor området.
 - 3.1.2. I grensa mot vegetasjonsskjermen leggst det opp ein voll av skrapmasser frå uttaket som ekstra sikring mot flaum frå Dalåi og avrenning frå uttaket.
 - 3.1.3. Det skal etablerast sedimentasjonsgrop som fangar opp overflate vatn inne i uttaket og sørger for at partiklar blir utfelt før vatnet renn ut i elva.
 - 3.1.4. Uttaket må ikkje føre til redusert framkomst langs Gransheradvegen
 - 3.1.5. Uttaket skal alltid vere forsvarleg sikra under drift, detaljar omkring sikringstiltaka kjem gjennom driftsplan..
 - 3.1.6. Massedeponiet skal vere fysisk stengt med bom, utanom opningstidene. Ved registrering/mottakskontroll av masser for deponering, skal type masser kontrollerast og loggførast.
- *Dokumentasjonskrav og særskilt underlag til byggjesakshandsaminga (§ 12-7 nr. 12)*
 - 3.1.7. I deponiet skal det kunn deponerast reine masser, jmf forskrift om gjenvinning og behandling av avfall, kap.9. Massane skal ikkje innehalde organisk, biologisk eller kjemisk materiale.

Steinbrudd og massetak

1. Andre tilhøve (§ 12-7 nr. 2, 3, 4, 6)

Avslutning av masseuttak/deponi

- 3.1.8. Området skal være avslutta og sett i stand seinast 30 år etter plan vedtak, med moglegheit til forlenging. Dette må søkast kommunen om.
- 3.1.9. Masseuttaket/Deponiet skal dekkast til med et toppdekke med reine jordmasser av ulike kvalitet, men utan stein og røter. Det skal plantes til med skog.
- 3.1.10. Terrenget avsluttast med skråningsvinkel lik tilstøytane terreng og ikkje brattare enn 1:2. Høgda for oppfylling skal i alle høve ikkje overstige høgda på eksisterande terreng.
- 3.1.11. Ved avslutning av deponiet, eller ein avgrensa del av dette skal det meldast frå til kommunen.

Opningstid

- 3.1.12. Opningstida for masseuttak/deponi er avgrensa til kvardag, måndag til og med fredag mellom kl. 07.00 og 22.00. Laurdagar 08.00-17.00. Massedeponiet skal vere betjent når det er ope.
- 3.1.13. Det er ikkje tillat kjøring med tyngre kjøretøy til og frå deponiet i helger eller i offentlege høgtider. Med tyngre kjøretøy meinast her lastebilar, vogntog, semitrailer og liknande transportmiddel, som nyttast til massetransport til og frå Masseuttaket/deponiet.

3.2 Samferdselsanlegg og teknisk infrastruktur (§ 12-5 nr. 2)

Fellesføresegner for samferdselsanlegg og teknisk infrastruktur

- 3.2.1. Veg inn i området skal minst halde standard til Landbruksveg klasse 3

3.3 Grønstruktur (§ 12-5 nr. 3)

Vegetasjonsskjerm

- 3.3.1. I området er det ikkje tillat fjerning av vegetasjon eller masser.

4. Føresegner til omsynssoner (§ 12-6, 12-7 og 11-8)

4.1 Sikrings-, støy- og faresoner (§ 11-8 a) (sone H310)

- 4.1.1. I faresona kan det ikkje etablerast bygningar for varig opphald.

5. Rekkjefølgjeføresegner

5.1 Før igangsetjingsløyve

- 5.1.1. Driftsplan for området må vere godkjent av Direktoratet for mineralforvaltning før vidare uttak av masser kan skje. Drift skal skje i samsvar med føresegner i minerallova med gjeldande forskrifter, samt vilkår i løyve etter lova. Direktoratet for mineralforvaltning er myndigheit etter lova.
- 5.1.2. Frisiktsoner i kryss mot Fv 38 må vere rydda i høve til reguleringsplan Dalen/Vistad ID:20050004
- 5.1.3. Før drift av steinbrotet kan i gangsetjast, må det ligge føre eit godkjent prøvetakings-/overvakingsprogram for å dokumentere at dei avbøtande tiltaka fungerer og at avrenning/forureining frå planområdet til Dalåi/Tokkeåi, ikkje har negativ påverknad på elva. Eit slikt måleprogram må utformast av sakkunnige. Resultata frå måleprogrammet må leggest inn i Vann-nett, og kommunen må varslast viss prøvene indikerer uakseptabel avrenning/forureining frå planområdet. Måleprogrammet må setjast i verk før oppstart av anleggsarbeidet.